

Në bazë të nenit 44 të Ligjit për vetëqeverisje lokale ("Fletorja zyrtare e Malit të Zi", nr. 2/18, 34/19, 38/20, 50/22, 84/22 dhe 85/22), nenit 168 të Statutit të Komunës së Ulqinit ("Fletorja zyrtare e Malit të Zi – dispozitat komunale", nr. 48/19) dhe neni 115 të Rregullores së punës së Kuvendit të Komunës së Ulqinit ("Fletorja zyrtare e Malit të Zi – dispozitat komunale", nr. 27/20) Kuvendi i Komunës së Ulqinit, në mbledhjen e mbajtur më \_\_.12 2023, solli

## PËRFUNDIM

për përcaktimin e Draft-Vendimit për ndryshimin dhe plotësimin e Statutit të Komunës së Ulqinit

### Neni 1

Përcaktohet Draft-Vendimi për ndryshimin dhe plotësimin e Statutit të Komunës së Ulqinit si në tekstin e përgatitur nga Komisioni për përpilimin e Propozimit për ndryshimin dhe plotësimin e Statutit.

### Neni 2

Draft-Vendimi për ndryshimin dhe plotësimin e Statutit të Komunës së Ulqinit do të jepet në shqyrtim publik.  
Shqyrtimi publik do të fillojë nga dita e miratimit të këtij Përfundimi dhe do të zgjasë 15 ditë.  
Shqyrtimin publik do ta mbajë Komisioni nga neni 1 në bashkëpunim me Shërbimin e Kuvendit.

### Neni 3

Ky Përfundim hyn në fuqi në ditën e miratimit dhe do të botohet në "Fletoren zyrtare të Malit të Zi – dispozitat komunale".

## KUVENDI I KOMUNËS SË ULQINIT

Numër:  
Ulqin, \_\_.12.2023

KRYETARI  
Ardijan Mavriq

## **Arsyetimi**

Baza ligjore për nxjerrjen e këtij përfundimi, ndër të tjera, gjendet në nenin 115 të Rregullores së punës së Kuvendit, i cili parasheh që kur me propozim vendim rregullohen çështje të rëndësishme, propozuesi i vendimit mund të propozojë që Kuvendi të konfirmojë draftin, ta vendos në shqyrtim publik dhe të caktojë organin kompetent për realizimin e shqyrtimit publik. Mbi konfirmimin e propozimit Kuvendi vendos me përfundim.

Kuvendi i Komunës së Ulqinit e ka miratuar Vendimin për qasje në ndryshimin dhe plotësimin e Statutit të Komunës së Ulqinit dhe formoj grupin punues për hartimin e ndryshimeve dhe plotësimeve të Statutit. Vendimi është publikuar në “Fletoren zyrtare të Malit të Zi – dispozitat komunale”, nr. 39/22.

Komisioni përgatiti Draft-Vendimin për ndryshimin dhe plotësimin e Statutit të Komunës së Ulqinit dhe ia dorëzoi Kuvendit me Përfundimin që ndryshimet dhe plotësimet e Statutit të përcaktohen si draft dhe të jepen në shqyrtim publik.

Komisioni do ta mbajë shqyrtimin publik në bashkëpunim me Shërbimin e Kuvendit.

Komisioni për hartimin e propozimit për ndryshimin dhe plotësimin e statutit